

RESOLUCIÓN POLA QUE SE ACORDA A ADXUDICACIÓN DO EXPEDIENTE DE CONTRATACIÓN NÚMERO 1/13, TRAMITADO POLO PROCEDEMENTO ABERTO, MULTICRITERIO E SUXEITO A REGULACIÓN HARMONIZADA, DO SUBMINISTRO DE ENERXÍA ELÉCTRICA PARA O EDIFICIO CESGA

Con data 8 de febreiro de 2013, aprobáronse os pregos de condicións e de prescricións técnicas que rexeron o expediente para a contratación pola Fundación Centro Tecnolóxico de Supercomputación de Galicia (en diante, Fundación CESGA), a través do procedemento aberto, multicriterio e suxeito a regulación harmonizada, do subministro de enerxía eléctrica para o edificio CESGA (expediente de contratación número 01/13).

Con data 11 de xaneiro de 2013 foi enviado ao Diario Oficial da Unión Europea anuncio previo de licitación deste expediente

Con data 8 de febreiro de 2013 foi enviado o anuncio de licitación deste expediente ao Diario Oficial da Unión Europea, e publícase no perfil do contratante da páxina web da Fundación CESGA e na plataforma de contratación da Xunta de Galicia.

Rematado o prazo para a presentación de ofertas (o 4 de marzo de 2013, as 14:00 horas), recibíronse no Rexistro interno da Fundación CESGA as seguintes ofertas:

- Hidrocantábrico Enerxía S.A.U.
- Gas Natural Comercializadora, S.A.
- Endesa Enerxía, S.A.U

Con data 5 de marzo de 2013 constituíuse a Mesa de Contratación segundo o previsto no prego de condicións xurídicas, procedéndose ao exame e cualificación da documentación xeral dos licitadores contida no sobre A das propostas recibidas, observándose os seguintes defectos ou omisións emendables na documentación presentada:

- Hidrocantábrico Enerxía S.A.U.: non consta
 - Declaración asumindo o compromiso de adscribir á execución do contrato os medios persoais e materiais suficientes para levala a cabo adecuadamente, tal e como aparece no último parágrafo do apartado D da folla de especificacións
- Gas Natural Comercializadora, S.A.: non consta
 - Copia auténtica ou compulsada do CIF da empresa.
 - Copia auténtica ou compulsada do documento acreditativo da existencia de representación por parte do D. Ramón Lozano Bujes, e do ámbito das súas facultades.
 - Declaración asumindo o compromiso de adscribir á execución do contrato os medios persoais e materiais suficientes para levala a cabo adecuadamente, tal e como aparece no último parágrafo do apartado D da folla de especificacións.

Polo tanto, tendo en conta o prego acórdase por unanimidade da mesa solicitar ás empresas, Hidrocantábrico Enerxía S.A.U. e Gas Natural Comercializadora que corrixan, emenden ou aclaren a documentación presentada.

Finalizado o prazo conferido para a emenda de defectos na documentación xeral, a Mesa de Contratación reuniuse con data 8 de marzo, constatando que todos os licitadores requiridos cumprimentaron o trámite e aportaron documentación suficiente e adecuada para emendar os erros ou omisións comunicados. A continuación, procedeuse a determinar os licitadores que se axustan aos criterios de selección, acordándose a admisión ao procedemento de licitación ás seguintes empresas:

- Hidrocantábrico Energía S.A.U.
- Gas Natural Comercializadora, S.A.
- Endesa Energía, S.A.U.

Con data 12 de marzo de 2013, previa convocatoria enviada por correo electrónico aos licitadores admitidos ao procedemento de adxudicación con data 6 de marzo, ás 12:30 horas, na sede da Fundación CESGA celebrouse o acto público de apertura do sobre B (Documentación relativa aos criterios non avaliados de forma automática), ao que asistiron os seguintes licitadores:

Nome do licitador	Nome do representante
Gas Natural Comercializadora, S.A.	Daniel González
Hidrocantábrico Energía S.A.U.	Andrés Fernández Fernández

No acto público procedeu-se á apertura das propostas cualitativas presentadas polos licitadores admitidos, dando conta aos asistentes da relación de documentos que cada un dos sobres "B" contén no seu interior. Ningún dos asistentes ao acto público fixo observación algunha.

A Mesa de Contratación procedeu á valoración das mesmas conforme aos criterios cualitativos establecidos nos pregos de licitación. A continuación se sinalan, de forma sucinta, as conclusións e razoamentos que se tiveron en conta para a valoración de ofertas e a súa ponderación:

- Auditorías enerxéticas: ningún licitador inclúe de forma gratuíta a opción de auditoría enerxética
- Información sobre a curva de consumo, este criterio subdivídese en:
 - a) Acceso web a información histórica de consumo e curva de carga, púntase con 0,25 puntos, as tres ofertas acadan esta puntuación.
 - b) Acceso en tempo real a dita información, púntase con 0,25 puntos, tan só Hidrocantábrico Energía S.A.U. inclúe esta posibilidade.

Polo tanto a puntuación outorgada a cada unha das proposicións presentadas é a seguinte:

CRITERIO NON AUTOMÁTICO	Hidrocantábrico Energía, S.A.U.	Gas Natural Comercializadora S. A.	Endesa Energía, S.A.U.
Auditoría Enerxética:	0	0	0
Información sobre a curva de consumo	0,50	0,25	0,25
TOTAL	0,50	0,25	0,25

Con data 18 de marzo de 2013, previa convocatoria enviada por correo electrónico aos licitadores o día 12 do mesmo mes, ás 12:30 horas, na sede da Fundación CESGA celebrouse o acto público de apertura do sobre C (Documentación relativa aos criterios avaliados de forma automática), ao que asistiron os seguintes licitadores:

Nome do licitador	Nome do representante
Gas Natural Comercializadora, S.A.	Daniel González

No acto público procedeu en primeiro lugar a dar conta das puntuacións outorgadas ás propostas cualitativas (puntuación recollida no cadro resumo antes exposto). A continuación procedeu á apertura das propostas cuantitativas presentadas. O resultado de aplicar as fórmulas indicadas no prego de condicións ás propostas cuantitativas (ofertas económicas) dos licitadores, é o seguinte:

	Hidrocantábrico Energía, S.A.U.	Endesa Energía, S.A.U.	Gas Natural Comercializadora S. A.
P1	9,262	9,6138	17,2888
P2	8,4354	8,1845	14,0078
P3	8,1843	8,4542	11,4774
P4	7,9997	7,5291	9,3147
P5	7,949	7,3942	8,5835
P6	5,4849	6,3435	6,815
Oi	14528525	15446436	18906668
Omin	14528525	14528525	14528525
Vmax	99	99	99
PUNTUACIÓN	99,00	93,12	76,07

Ningún dos asistentes ao acto público fixo observación algunha, dándose por concluído o mesmo.

Ningunha das ofertas incorre en baixa anormal ou desproporcionada, nin precisa aclaración, por conseguinte, o resultado obtido é o seguinte:

	Hidrocantábrico Energía, S.A.U.	Endesa Energía, S.A.U.	Gas Natural Comercializadora S. A.
Criterios cualitativos	0,50	0,25	0,25
Criterios cuantitativos	99,00	93,12	76,07
TOTAL	99,50	93,37	76,32

Con data 21 de marzo de 2013, a Mesa de Contratación, á vista das puntuacións obtidas polas propostas dos licitadores admitidos e que se reflicten no cadro resumo anterior, emitiu proposta de adxudicación do contrato a favor da empresa Hidrocantábrico Energía S.A.U., por considerar que a súa oferta é a máis vantaxosa para cubrir as necesidades de contratación da Fundación CESGA.

Á vista da proposta de adxudicación da Mesa de Contratación, das actas das súas actuacións, e das propostas dos licitadores, e de conformidade coas facultadas que me confiren os Estatutos da Fundación CESGA,

ACORDO:

Primeiro.- Adxudicar o contrato para o subministro de enerxía eléctrica para o edificio CESGA, á empresa Hidrocantábrico Energía, S.A.U. titular do NIF A33543547, polo importe de douscentos nove mil oitocentos cincuenta e cinco euros con dezanove céntimos (209.855,19 €), máis corenta e catro mil sesenta e nove euros con cincuenta e nove céntimos (44.069,59 €) que corresponden ao imposto sobre o valor engadido, o que supón un total de douscentos cincuenta e tres mil novecentos vinte e catro euros con setenta e oito céntimos (253.924,78 €), con cargo ás partidas 628 e 631 da Fundación para o ano 2013.

Segundo.- Comunicar aos licitadores a adxudicación do contrato e simultaneamente publicar a ditada adxudicación no perfil do contratante da páxina web da Fundación CESGA.

Terceiro.- A formalización do contrato non poderá efectuarse antes de que transcorran quince (15) días hábiles dende que se remita a notificación de adxudicación aos licitadores candidatos.

Farase requirimento ao adxudicatario para que formalice o contrato en prazo non superior a cinco (5) días a contar dende o seguinte a aquel no que reciba o requirimento, unha vez transcorrido o prazo previsto sen que se interpoña recurso especial en materia de contratación que leve aparelada a suspensión da formalización do contrato.

Fronte á presente resolución poderá interpoñerse, perante ao órgano de contratación e no prazo de quince (15) días hábiles contados a partir do día seguinte á notificación da presente resolución, o recurso especial en materia de contratación regulado nos artigos 40 e seguintes do Real Decreto Lexislativo 3/2011, de 14 de novembro, polo que se aproba o texto refundido da Lei de Contratos do Sector Público. Así mesmo, poderá interpoñerse recurso contencioso-administrativo no prazo de dous (2) meses contados a partir do día seguinte á notificación desta resolución, de acordo co establecido na Lei 29/1998, de 13 de xullo, reguladora da Xurisdición Contencioso Administrativa.

En Santiago de Compostela, a 11 de abril de 2013.



O Director-Xerente da Fundación
Centro Tecnológico de Supercomputación de Galicia – CESGA-
Asdo.: D. Javier García Tobío